



QASHQADARYO VILOYAT SOG'LIQNI SAQLASH BOSHQARMASI
BUYRUG'I

«27» 03 2023 yil 267 - son

Qarshi shahri

Ўзбекистон Республикаси Соғлиқни сақлаш вазирлигининг 2023 йил 21 февралдаги “Республика ихтисослаштирилган фтизиатрия ва пульмонология илмий-амалий тиббиёт маркази фаолиятини янада такомиллаштириш чора-тадбирлар тўғрисида”ги 37-сонли буйруғи ҳақида

Ўзбекистон Республикаси Президентининг “2023-2026 йилларда фтизиатрия ва пульмонология хизматини янада ривожлантиришга қаратилган чора-тадбирлар тўғрисида”ги 2023 йил 20 январдаги ПҚ-12-сон қарори ва Ўзбекистон Республикаси Соғлиқни сақлаш вазирлигининг 2023 йил 21 февралдаги “Республика ихтисослаштирилган фтизиатрия ва пульмонология илмий-амалий тиббиёт маркази фаолиятини янада такомиллаштириш чора-тадбирлар тўғрисида”ги 37-сонли буйруғида белгиланган вазифаларнинг бажарилишини таъминлаш мақсадида,

Б У Ю Р А М А Н:

1. Ўзбекистон Республикаси Соғлиқни сақлаш вазирлигининг 2023 йил 21 февралдаги “Республика ихтисослаштирилган фтизиатрия ва пульмонология илмий-амалий тиббиёт маркази фаолиятини янада такомиллаштириш чора-тадбирлар тўғрисида”ги 37-сонли буйруғи ҳақида.

2. Ўзбекистон Республикаси Соғлиқни сақлаш вазирлигининг мазкур буйруғига асосан:

- Ўзбекистон Республикаси аҳолисига ихтисослаштирилган фтизиатрия ва пульмонология ёрдамини ташкиллаштиришнинг вертикал бошқарув тузилмаси 1-иловага мувофиқ;

- вилоят фтизиатрия ва пульмонология марказининг ташкилий тузилмаси 2-иловага мувофиқ;

- вилоят фтизиатрия ва пульмонология марказининг низоми 3-иловага мувофиқ;

- туберкулез касаллигининг ривожланишига мойиллиги бўлган 0-18 ёшли болалардан иборат бўлган хавфли гуруҳ жадвали 4-иловаларга мувофиқ;

- 18 ёшдан юқори бўлган аҳоли орасида туберкулез касаллигининг ривожланишига мойиллиги бўлган шахслардан иборат бўлган хавфли гуруҳ жадвали 5-иловага мувофиқ;

- “Бронхиал астма билан касалланган беморлар мактаби” ва “Сурункали обструктив ўпка касаллиги билан касалланган беморлар мактаби” саломатлик мактаблари фаолияти ҳақида низом 6-иловага мувофиқ;

- “Бронхиал астма билан касалланган беморлар мактаби” ва “Сурункали обструктив ўпка касаллиги билан касалланган беморлар мактаби” саломатлик мактабларини жиҳозлаш стандарти 7-иловага мувофиқ;

- бирламчи тиббий ёрдам тизимида ўпка патологиясининг клиниколди шакллари эрта аниқлаш учун скрининг сўровномалар дастури 8-иловага мувофиқ;

- туберкулёз билан касалланиш хавф гуруҳига мансуб шахслар (ўсмирлар ва катталар) рентгенологик текширувдан ҳамда болалар иммунологик текширувдан ўтказиш тартиби 9-иловага мувофиқ тасдиқланганлиги инобатга олинсин.

3. Фтизиатрия ва пульмонология соҳаларида фаолият юритаётган бўлинмаларининг иш ҳажми ва мавжуд эҳтиёжидан келиб чиққан ҳолда, шифо ўринларини қайта тақсимлаш борасида ҳамда Давлат бюджети маблағлари ҳисобидан қопланадиган пульмонология ёрдамининг кафолатланган ҳажмлари рўйхатини ишлаб чиқиш учун ишчи гуруҳларини шакллантириш;

- 2023 йилнинг 31 мартига қадар 2023-2026 йиллар давомида фтизиатрия ва пульмонология соҳасида фаолият кўрсатаётган муассасаларнинг шифо ўринларини босқичма-босқич қайта тақсимлаш режасини тасдиқлаш учун вазирликка тақдим этиш;

- 2023 йил март ойига қадар “Аҳоли орасида латент туберкулёз инфекциясини эрта ташхислаш”, “Ўпка патологиясининг клиниколди шакллари эрта аниқлаш” мавзусида малака ошириш дастурини ишлаб чиқиш;

- бирламчи тиббий ёрдам тизимида аҳоли орасида ўтказилган ўпка патологиясининг клиниколди шакллари эрта аниқлаш мақсадида ўпканинг сурункали обструктив касалликлари клиниколди белгиларини эрта аниқлаш учун қўлланиладиган ҳамда Бронхиал астма касаллигини клиник олди белгиларини эрта аниқлаш учун қўлланиладиган сўровномалари натижалари ҳамда эпидемиологик вазиятдан келиб чиққан ҳолда вилоятлар

кесимида пульмонологик ва ташхислаш ўринларга бўлган эҳтиёж асосида асослантирилган талабни аниқлаш;

- ҳар йили ҳудудларда жойларга чиққан ҳолда ва масофавий семинарлар ўтказиш жадвалини ишлаб чиқсин, тасдиқласин ва жадвал асосида семинарлар ўтказсин;

- 2023 йил март ойидан бошлаб ҳар йили ҳудудий муассасаларнинг йиллик таҳлили натижалари асосида фтизиатрия ва ва пульмонология йўналишлари бўйича клиник ординаторларга бўлган эҳтиёжни таҳлил қилиш маълумот учун қабул қилинсин.

4. Вилоят фтизиатрия ва пульмонология маркази (А.Обилов), туман (шаҳар) тиббиёт бирлашмалир билан биргаликда:

- вилоят фтизиатрия ва пульмонология маркази ҳамда туман (шаҳар) тиббиёт бирлашмалари қошида бронхиал астма билан касалланган беморлар учун “Астма мактаби”ни ва “Сурункали обструктив ўпка касалликлари мактаби”ни ташкил этиш;

- туман (шаҳар) кўп тармоқли марказий поликлиникалар таркибидаги фтизиатрия бўлимлари ва хоналари негизида мавжуд фтизиатр ва пульмонолог штати бирликлари доирасида фтизиопульмонология бўлимларига ва фтизиопульмонология диспансерларига ўзгартириш;

- вилоят фтизиатрия шифохонасини фтизиопульмонология шифохонасига ўзгартириш;

- вилоят кўп тармоқли тиббиёт марказида фаолият юритаётган бош пульмонолог штатини мавжуд шифо ўрин фондиди қолдирган ҳолда белгиланган тартибда вилоят фтизиатрия ва пульмонология марказига ўтказиш;

- бирламчи тиббий ёрдам тизимида аҳоли орасида ўпка патологиясининг клиник олди шакллари эрта аниқлаш мақсадида ўпканинг сурункали обструктив касалликлари клиник олди белгиларини эрта аниқлаш учун қўлланиладиган ҳамда Бронхиал астма касаллигини клиник олди белгиларини эрта аниқлаш учун қўлланиладиган сўровномалар асосида оммавий сўровномалар ўтказишни ташкил қилиш;

- ҳар йилнинг 1 февралига қадар хавфли гуруҳ таркиби янгиланган рўйхатини шакллантириш ва туман тиббиёт бирлашма бош шифокори томонидан тасдиқлаш чораларини кўрсин.

5. Мазкур буйруқнинг ижросини назорат қилишни бошқарма бошлигининг ўринбосари Ш.Гаппоров зиммасига юклатилсин.

Бошқарма бошлиғи

Б.Тешаев